

ხელშეკრულება
სახელმწიფო შესყიდვების შესახებ N 01-03-166

ქ. თბილისი

7 სექტემბერი 2018 წელი

შემსყიდველი: სსიპ – მასწავლებელთა პროფესიული განვითარების ეროვნული ცენტრი, წარმოდგენილი ცენტრის დირექტორის გიორგი მაჩაბელის სახით;
მისამართი: ქ. თბილისი, გმირი კურსანტების ქ. №4;
საიდენტიფიკაციო კოდი: 202374251;
საბანკო რეკვიზიტები: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650 22.

მიმწოდებელი: შპს „გლობალმშენი,“ წარმოდგენილი მისი დირექტორის მამუკა კაკაბაძის სახით;
მისამართი: სამტრედიის რაიონი, სოლომონ მეფის ქ. N 8;
საიდენტიფიკაციო კოდი: 438724329;
საბანკო რეკვიზიტები: სს „თბილისი ბანკი,“ ბანკის კოდი: TBCBGE 22, ა/ა: GE76TB7737636050100001.

ერთი მხრივ შემსყიდველი და მეორე მხრივ მიმწოდებელი, ჩატარებული ელექტრონული ტენდერის (სატენდერო განცხადების ნომერი N-SPA180007000) გათვალისწინებით, დებენ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2. ვალდებულების არაჯეროვანი შესრულება – ვალდებულების ხელშეკრულების პირობებთან შეუსაბამოდ, არასრულად, უხარისხოდ შესრულება.
- 1.3. ხელშეკრულებით ნაკისრი ვალდებულების შესრულების ვადების გადაცდენა – მხარის მიერ ნაკისრი ვალდებულების ხელშეკრულებით განსაზღვრულ ვადაში შეუსრულებლობა.

მუხლი 2. ხელშეკრულების საგანი

ხელშეკრულების საგანია სსიპ - მასწავლებელთა პროფესიული განვითარების ეროვნული ცენტრის „ასწავლე და ისწავლე საქართველოსთან ერთად“ ქვეპროგრამის ფარგლებში მონაწილე უცხოელი მასწავლებლებისთვის სასტუმრო-საკონფერენციო მომსახურების შესყიდვა, რომელიც მოიცავს მონაწილეთა სასტუმროში დაბინავებას, შეხვედრების, კონფერენციების ორგანიზების მომსახურებას, კვებას (CPV 55110000 - სასტუმროში დაბინავების მომსახურება; 55120000 - სასტუმროში შეხვედრებისა და კონფერენციების ორგანიზების მომსახურება).

მუხლი 3. ხელშეკრულების ღირებულება

- 3.1. შესასყიდი ობიექტის ფასი განისაზღვრება ეროვნულ ვალუტაში;
- 3.2. შესასყიდი მომსახურების ღირებულება (შემდგომში „ხელშეკრულების ღირებულება“) შეადგენს 28 000.00 (ოცდარვაათასი) ლარს დღგ-ს ჩათვლით;
- 3.3 გასაწევი მომსახურების დასახელება, რაოდენობა და ერთეულის ფასი მოცემულია დანართ N 1-ში;
- 3.3 დაფინანსების წყარო: სსიპ – მასწავლებელთა პროფესიული განვითარების ეროვნული ცენტრის „ასწავლე და ისწავლე საქართველოსთან ერთად“ ქვეპროგრამა.

მუხლი 4. შესასყიდი ობიექტის ხარისხი

4.1 მიმწოდებელი პასუხისმგებლობას კისრულობს, რომ გაწეული მომსახურება შეესაბამება ყველა მოქმედ სტანდარტებს და ნორმებს;

4.2 მიმწოდებელი აცხადებს, რომ გაწეული მომსახურება იქნება უნაკლო.

4.3 გასაწევი მომსახურების მახასიათებლები და ტექნიკური აღწერილობა:

1. სასტუმროში მონაწილეთა დაბინავება უნდა განხორციელდეს შემდეგნაირად:

1) პროგრამის მონაწილეები (20 პერსონა) ეტაპობრივად დაბინავდებიან სასტუმროში 11 სექტემბრიდან (დაახლოებით 3 ადამიანი), 12 სექტემბრიდან (დაახლოებით 13 ადამიანი), ავიაფრენების განსხვავებული გრაფიკის გათვალისწინებით;

2) მონაწილეთა დაბინავება უნდა მოხდეს ორადგილიან და სამადგილიან ნომრებში;

3) სასტუმრო ნომრები აღჭურვილი უნდა იყოს ინდივიდუალური სველი წერტილებით, ცივი და ცხელი წყლით (24 საათი), ნომერში თითოეულ პერსონაზე უნდა იყოს მინიმუმ 1 ლიტრი წყალი თითოეულ პერსონაზე, ოთახებში დაკული უნდა იყოს სანიტარული ნორმები და იყოს შესაბამისი რაოდენობის პირველადი ჰიგიენის პროდუქტები (საპონი, შამპუნი, დასაბანი გელი და სხვა);

4) სასტუმროს პერსონალმა უნდა უზრუნველყოს სტუმრების ტვირთის მიტანა ნომრებამდე და მისი შემდგომი უსაფრთხოება;

5) სასტუმროს პერსონალი უნდა ფლობდეს ინგლისურ ენას, ვინაიდან სტუმრები არიან ძირითადად ინგლისურენოვანი ქვეყნებიდან;

6) სასტუმრო ნომრებს უნდა ჰქონდეს ინტერნეტთან მუდმივი წვდომა - WiFi ქსელი;

7) საჭიროების შემთხვევაში (ჯანმრთელობის მდგომარეობის გაუარესება ან სხვა ობიექტური გარემოება) შესაძლებელი უნდა იყოს დამატებით მინ. 2 ერთადგილიანი ნომრით სარგებლობა.

4.3.2 სასტუმროში შეხვედრების და კონფერენციების ორგანიზების მომსახურება (სატრენინგო ფართის დაქირავება):

1) 2 (ორი) სატრენინგო ოთახი არანაკლებ 40 მ² და ერთი სამუშაო ოთახი ტრენერებისთვის და პროგრამის თანამშრომლებისთვის, არანაკლებ 15 მ² -სა;

2) სატრენინგო მომსახურება უნდა განხორციელდეს 7 დღე (13,14,15,16,18,19,20 სექტემბერი);

3) სატრენინგო ოთახები აღჭურვილი უნდა იყოს: პროექტორით, ლეპტოპით/კომპიუტერით, ეკრანით, პრინტერით და ინტერნეტით;

4) სატრენინგო ოთახი უზრუნველყოფილი უნდა იყოს შემდეგი საკანცელარიო რესურსით:

ა) ბლოკნოტი (ფორმატი A4) - 17 ერთეული;

ბ) საწერი კალამი - 17 ერთეული;

გ) ფლოპ-ჩარტის დაფა 2 ცალი და ფლოპ-ჩარტის ქაღალდი - 4 შვეკრა;

დ) შავი, ლურჯი და წითელი ფერის დაფის მარკერი - 4-4 ცალი (სულ 12 ც.);

ე) ოთხი სხვადასხვა ფერის ქაღალდის მარკერი - სულ 24 ც.;

ვ) ქაღალდის სკოჩი - 2 ცალი;

ზ) ფერადი სტიკერები (მინ. სამი სხვადასხვა ფერის) 6 შვეკრა;

თ) A4 ფორმატის ქაღალდი - 2 შვეკრა;

ი) ტრენინგის მიმდინარეობის დროს მონაწილეები, ტრენერები და პროგრამის წარმომადგენლები უზრუნველყოფილნი უნდა იყვნენ წყლითა და მინერალური სასმელით (1 პერსონაზე 1 ლიტრი);

კ) ტრენინგის მიმდინარეობისას შესვენების დროს განსაზღვრული უნდა იყოს ყავის შესვენება/„კოფე ბრეიკი“: დაახლოებით 20 პერსონაზე (7 დღის განმავლობაში სულ 14 „კოფე ბრეიკი“).

საკონფერენციო დარბაზში და სამუშაო ოთახებში უნდა იყოს გამართული კონდიციონერი (გათბობა/გაგრილების საშუალება). სამუშაო ოთახები უნდა იყოს იზოლირებული და ერთმანეთისგან დამოუკიდებელი (ფარდით ან სხვა საშუალებით გამოყოფა არ მოიაზრება);

საკონფერენციო, სატრენინგო და სამუშაო ოთახები არ უნდა იყოს სარდაფში ან ნახევრად სარდაფში. ოთახებს უნდა ჰქონდეს დღის ბუნებრივი განათება (უფანჯრო ოთახები არ განიხილება) და უნდა წიავედებოდეს; სამუშაო ოთახები არ უნდა ემოჯნებოდეს სამხარეულო სივრცეს.

3. სასტუმროში კვებასთან და ყავა-ჩაის შესვენებასთან დაკავშირებული მომსახურება:

- 1) კვებითი მომსახურება მოიცავს სამკერად კვებას და ყავა/ჩაის შესვენებას;
- 2) შემოთავაზებული მენიუ უნდა იყოს მდიდარი რაციონის და იცვლებოდეს პერიოდულად;
- 3) მენიუ უნდა მოიცავდეს ვეგეტარიანულ, ასევე სამარხვო და არასამარხვო კერძებს, ამასთან მენიუ უნდა შეიცავდეს:

საუზნე:

შაქარი;

რძე;

პური (არანაკლებ 2 სახეობის);

ყველი (არანაკლებ 2 სახეობის);

ძეხვეული (არანაკლებ 2 სახეობის);

რძის ნაწარმი (მაწონი, არაჟანი, ხაჭო);

ცხელი კერძი (არანაკლებ 2 სახეობის);

სეზონური ხილი;

ნამცხვარი ხილით;

ნამცხვარი სამარხვო;

სასმელი (ჩაი, ყავა, კომპოტი);

ცომეული (არანაკლებ 2 სახეობის);

ცომეული სამარხვო (არანაკლებ 2 სახეობის);

სადილი:

ცხელი კერძი (3 სახეობის, მ/შ 1 - წვნიანი);

ცხელი კერძი სამარხვო (არანაკლებ 1 სახეობის);

ცივი კერძი (5 სახეობის), მათ შორის სამარხვო (არანაკლებ 2 სახეობის);

ცომეული (2 სახეობის);

დესერტი (2 სახეობის);

ხილი;

სასმელი: გამაგრილებელი სასმელი, ნატურალური წვენი, მინერალური სასმელი.

ვახშამი:

შაშხი (არანაკლებ 1 სახეობის);

გარნირი (არანაკლებ 2 სახეობის);

ცომეული (არანაკლებ 2 სახეობის);

ცომეული სამარხვო (არანაკლებ 2 სახეობის);

რძის ნაწარმი (არანაკლებ 3 სახეობის);

ცხელი კერძი (არანაკლებ 2 სახეობის);
ცხელი კერძი სამარხვო (არანაკლებ 1 სახეობის);
ყველი (არანაკლებ 2 სახეობის);
სალათი (არანაკლებ 2 სახეობის);
სალათი სამარხვო (არანაკლებ 1 სახეობის);
საწებელი (არანაკლებ 2 სახეობის);
დესერტი (სეზონის ხილი, ნამცხვარი);
სასმელი (ჩაი, ყავა, ნატურალური წვენი, გაზიანი არალკოჰოლური სასმელი, მინერალური წყალი, კომპოტი), რძე.

ლანჩ-ბოქსი 17 სექტემბერს ექსკურსიისთვის:

სენდვიჩი;
ცომეული (არანაკლებ 2 სახეობის);
სალათი არანაკლებ 1 სახეობის;
ხორცი;
კარტოფილი;
მდნარი ყველი;
საწებელი;
გამაგრილებელი სასმელი;
იოგურტი;
პური (არანაკლებ 2 სახეობის);
ხილის სალათი.

ყავის შესვენება:

ყავა, ჩაი, არანაკლებ 2 სახეობის;
ნამცხვარი კრემით და ნამცხვარი სამარხვო 1 სახის (ქარხნული დამზადების ე.წ. „პეკენია“ არ განიხილება).

3) კვებით მომსახურება უნდა განხორციელდეს შემდეგნაირად:

- 12 სექტემბერი: საუზმე, სადილი, ვახშამი;
- 13 სექტემბერი: საუზმე, სადილი, ვახშამი, 2 ყავის შესვენება;
- 14 სექტემბერი: საუზმე, სადილი, ვახშამი, 2 ყავის შესვენება;
- 15 სექტემბერი: საუზმე, სადილი, ვახშამი, 2 ყავის შესვენება;
- 16 სექტემბერი: საუზმე, სადილი, ვახშამი, 2 ყავის შესვენება;
- 17 სექტემბერი: საუზმე, სადილი (გასვლით ექსკურსიისთვის), ვახშამი;
- 18 სექტემბერი: საუზმე, სადილი, ვახშამი, 2 ყავის შესვენება;
- 19 სექტემბერი: საუზმე, სადილი, ვახშამი, 2 ყავის შესვენება;
- 20 სექტემბერი: საუზმე, სადილი, ვახშამი, 2 ყავის შესვენება;
- 21 სექტემბერი: საუზმე, ლანჩ-ბოქსი;

სულ ჯამში: 10 საუზმე 20 ადამიანისთვის, 9 სადილი 20 ადამიანისთვის, 9 ვახშამი 20 ადამიანისთვის, 14 ყავის შესვენება 20 ადამიანისთვის, 1 ლანჩ-ბოქსი 20 ადამიანისთვის,

3) შენიშვნა: სასაბუღალტრო ოთახში უნდა იყოს გამართული კონდიციონერი (გათბობა/გაგრილების საშუალება).

4) კვებითი მომსახურების ზუსტი დრო დამატებით უნდა შეთანხმდეს შემსყიდველთან.

შენიშვნა: სასაბუღალტრო ოთახში უნდა იყოს გამართული კონდიციონერი (გათბობა/გაგრილების საშუალება), კვებითი მომსახურების ზუსტი დრო დამატებით უნდა შეთანხმდეს შემსყიდველთან.

მუხლი 5. მომსახურების გაწევის ვადები და ადგილი

5.1 მომსახურების გაწევა განხორციელდება: 2018 წლის 11-20 სექტემბერი (10 დამე);

5.2 მომსახურების გაწევის ადგილი: ქ. თბილისი, ვაზისუბანი, III მ/რ, მე-2 კვარტალი, სასტუმრო „დორმიტორი ჰუალინგ თბილისი.“

მუხლი 6. შესასყიდი ობიექტის მიღება-ჩაბარების წესი

6.1 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე, რაც ასევე ადასტურებს მიმწოდებლის მიერ ნაკისრი ვალდებულებების შესრულებას;

6.2 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით;

6.3 მიღება-ჩაბარების აქტზე ხელმოწერის უფლებამოსილება ენიჭება სსიპ - მასწავლებელთა პროფესიული განვითარების ეროვნული ცენტრის „ასწავლე და ისწავლე საქართველოსთან ერთად“ ქვეპროგრამის მენეჯერს თუა ვახტანგაძეს. მიღება-ჩაბარების აქტის გაფორმების საფუძველია ინსპექტირების განმახორციელებელი პირის დასკვნა.

მუხლი 7. ანგარიშსწორება

7.1 ანგარიშსწორება განხორციელდება მიღება-ჩაბარების (შესრულების) აქტის გაფორმებიდან არა უგვიანეს 10 (ათი) სამუშაო დღისა;

7.2 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;

7.3 საავანსო ანგარიშსწორება არ გამოიყენება.

მუხლი 8. მხარეთა უფლება-მოვალეობანი

8.1 „შემსყიდველი“ ვალდებულია:

8.1.1 ხელშეკრულებით გათვალისწინებული პირობების შესაბამისად, აღნაზღაუროს „მიმწოდებელს“ გაწეული მომსახურების ღირებულება;

8.1.2 აღნაზღაუროს მიმწოდებელს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

8.2 „შემსყიდველს“ უფლება აქვს:

8.2.1 შეამოწმოს გაწეული მომსახურების შესაბამისობა ხელშეკრულებით გათვალისწინებულ პირობებთან, განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;

8.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

8.2.3 მოსთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8.3 „მიმწოდებელი“ ვალდებულია:

8.3.1 დაიცვას ხელშეკრულებით გათვალისწინებული ყველა პირობა;

8.3.2 კვალიფიციურად გაუწიოს შემსყიდველს ამ ხელშეკრულების მე-2 მუხლში აღნიშნული მომსახურება;

8.3.3 ხელშეკრულებით გათვალისწინებული მომსახურების განწვევას აცნობოს შემსყიდველს ყველა განსაკუთრებული გარემოების შესახებ;

8.3.4 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით;

8.3.5 საკუთარი ხარჯებით გამოასწალოს გამოვლენილი ნაკლი;

8.3.6 წარუდგინოს შემსყიდველს გაწეულ მომსახურებასთან დაკავშირებული სრული დოკუმენტაცია.

8.4 „მიწოდებელს“ უფლება აქვს:

8.4.1 წარუდგინოს შემსყიდველს ფაქტიურად გაწეულ მომსახურებასთან დაკავშირებული სრული დოკუმენტაცია, რომელსაც ხელი მოეწერება მიწოდებლის მიერ შემსყიდველის მიერ ხარისხობრივი შემოწმების შემდეგ და მოითხოვოს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;

8.4.2 მოსთხოვოს „შემსყიდველს“ გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;

8.4.3 მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილხინდისიერი შესრულება.

მუხლი 9. ხელშეკრულების პირობების შეუსრულებლობა

9.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტეხლო შეუსრულებელი ვალდებულების ღირებულების 0.02 % -ის ოდენობით;

9.2. მიწოდებლის მიერ ხელშეკრულების არაჯეროვანი შესრულების შემთხვევაში მხარეს ეკისრება პირგასამტეხლო ხელშეკრულების ღირებულების 10 (ათი) % -ის ოდენობით;

9.3. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური მოცულობა გადააჭარბებს ხელშეკრულების საერთო ღირებულების 5 (ხუთი) %-ს, შემსყიდველს უფლება აქვს ცალმხრივად შეწყვიტოს ხელშეკრულება;

9.4. საჯარიმო სანქციის გადახდა არ ათავისუფლებს მიწოდებელს ძირითადი ვალდებულებების შესრულებისაგან.

მუხლი 10. ხელშეკრულების ინსპექტირების პირობები

10.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება;

10.2 მიწოდებელი ვალდებულია საკუთარი რესურსებით უზრუნველყოს შემსყიდველის მიერ ინსპექტირების ჩატარებისათვის ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი;

10.3 მიწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;

10.4 ხელშეკრულებით განსაზღვრული პირობების კონტროლს განახორციელებს სსიპ - მასწავლებელთა პროფესიული განვითარების ეროვნული ცენტრის ქვეპროგრამის „ასწავლე და ისწავლე საქართველოსთან ერთად“ მიმართულების კოორდინატორი ნელი ყარაშვილი, რომელიც წერს დასკვნას ხელშეკრულების პირობებთან შესყიდვის საგნის შესაბამისობის შესახებ.

მუხლი 11. ხელშეკრულების შეწყვეტა

- 11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;
- 11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი;
- 11.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;
- 11.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
 - 11.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - 11.4.2 მიმწოდებლის გაკოტრების შემთხვევაში;
 - 11.4.3 საქართველოს კანონმდებლობით გათვალისწინებულ სხვა შემთხვევებში.
- 11.5 ამ მუხლის 11.4 პუნქტში მითითებულ შემთხვევებში შემსყიდველი ვალდებულია აღნაზღაუროს მიმწოდებელს ფაქტიურად გაწეული მომსახურების ღირებულება.

მუხლი 12. ხელშეკრულების პირობების გადასინჯვა

- 12.1 მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;
- 12.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;
- 12.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული წესით გათვალისწინებული შემთხვევებისა;
- 12.4 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.

მუხლი 13. ფორსმაჟორი.

- 13.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;
- 13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი, ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა;
- 13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებები შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

მუხლი 14. ხელშეკრულების მოქმედების ვადა
ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2018 წლის 30 ნოემბრის ჩათვლით.

მუხლი 15. დავები და მათი გადაწყვეტის წესი
15.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;

15.2 თუ „შემსყიდველი“ და „მიმწოდებელი“ მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვიტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

მუხლი 16. სხვა პირობები

16.1 ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით;

16.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

16.3 მესამე პირთან (პირებთან) ურთიერთობაში მხარეები მოქმედებენ თავიანთი სახელით, ხარჯებითა და რისკით;

16.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;

16.5 წინამდებარე ხელშეკრულება არ შეიცავს არანაირ სიტყვიერ დამატებას;

16.6 დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად;

16.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

16.8 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;

16.9 ხელშეკრულება შედგენილია 2(სამი) თანაბარი იურიდიული ძალის მქონე ეგზემპლარად, ქართულ ენაზე. 1 (ერთი) ეგზემპლარი ინახება შემსყიდველთან, ხოლო 1 (ერთი) ეგზემპლარი გადაეცემა მიმწოდებელს;

16.10 გამარჯვებული პრეტენდენტის სატენდერო წინადადება და დანართები თან ერთვის წინამდებარე ხელშეკრულებას და წარმოადგენს მის შემადგენელ ნაწილს;

16.11 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

მუხლი 17. მხარეთა ხელმოწერები

„შემსყიდველი“

სსიპ - მასწავლებელთა პროფესიული განვითარების ეროვნული ცენტრი

გიორგი მანაშელი
დირექტორი

„მიმწოდებელი“

შპს „გლობალშენი“

მანუა კაკაბაძე
დირექტორი

მომსახურების ხარჯთაღრიცხვა

№	გასაწევი მომსახურების დასახელება	რაოდენობა	დღეების/ღამების/ერთეულის რაოდენობა	ერთეულის ფასი*	საერთო ფასი
1	სასტუმროს ნომრით მომსახურება, 2018 წლის 11-20 სექტემბერი				
1	ორი ან სამადგილიანი ნომრები	20	10	55	11000.00
				სულ	11000.00
<i>შენიშვნა: *ერთეულის ფასში მოიაზრება ნომერში ერთი კაცის დაბინავების ღირებულება. საჭიროების შემთხვევაში შესაძლებელი უნდა იყოს დამატებითი 2 ერთადგილიანი ნომრით სარგებლობა.</i>					
2	სატრენინგო და სამუშაო ოთახის დაქირავება				
1	სატრენინგო ოთახი (10 პერსონაზე)	2	7	350	4900.00
2	სამუშაო ოთახი (3 პერსონაზე)	1	8	60	480.00
				სულ	5380.00
3	კვებითი მომსახურება				
1	საუზმე (12 სექტემბერი-21 სექტემბერი)	20	10	10.00	2000.00
2	სადილი (12 სექტემბერი-20 სექტემბერი)	20	9	17.00	3060.00
3	ვახშამი (12 სექტემბერი - 20 სექტემბერი)	20	9	17.00	3060.00
4	ლანჩ-ბოქსი (21 სექტემბერი)	20	1	7.00	140.00
5	ყავის შესვენება (13-16 და 18-20 სექტემბერი) დღეში ორჯერ	20	14	12.00	3360.00
				სულ	11620.00
				საერთო ჯამი	28000.00

„შემსყიდველი“ მხარეთა ხელმოწერები

სსიპ - მასწავლებელთა პროფესიული განვითარების ეროვნული ცენტრი

გიორგი შაჩაბელი
დირექტორი 2374251



„მიმწოდებელი“

შპს „გლობალშენი“

შპს „გლობალშენი“
მანუკა კაკაბაძე
დირექტორი 2374251



ჩვენ ქვემოთ ხელისმომწერი, ინტერესთა კონფლიქტის თავიდან აცილების მიზნით, გავეცანით „სახელმწიფო შესყიდვების შესახებ“ საქართველოს კანონის მე-8 მუხლს (ინტერესთა კონფლიქტის თავიდან აცილების პირობები და წესები) და ხელისმომწერით ვადასტურებთ, რომ მიმწოდებლის მიმართ (შპს „გლობალმშენი“) არ ვიმყოფებით ინტერესთა კონფლიქტში.

სსიპ - მასწავლებელთა პროფესიული განვითარების ეროვნული ცენტრის

დირექტორი



/გიორგი მაჩაბელი/

სსიპ - მასწავლებელთა პროფესიული განვითარების ეროვნული ცენტრის

„ასწავლე და ისწავლე საქართველოსთან ერთად“ ქვეპროგრამის მიმართულების

კოორდინატორი



/ნელი ყარაშვილი/

ვიზირება:

სსიპ - მასწავლებელთა პროფესიული განვითარების ეროვნული ცენტრის

დირექტორის მოადგილე



/დავით ხვედელიძე/

სსიპ - მასწავლებელთა პროფესიული განვითარების ეროვნული ცენტრის

ფინანსური და მატერიალური რესურსების სამსახურის

უფროსი




/ია ტეშისაური/

სსიპ - მასწავლებელთა პროფესიული განვითარების ეროვნული ცენტრის

ფინანსური და მატერიალური რესურსების სამსახურის

ბუღალტერი



/ირმა თიჩია/

შემსრულებელი

სსიპ - მასწავლებელთა პროფესიული განვითარების ეროვნული ცენტრის ფინანსური და მატერიალური

რესურსების სამსახურის შესყიდვების სპეციალისტი



/ირინე სადრაძე/